



საჯარო სამართლის იურიდიული პირი-

განათლების ხარისხის განვითარების  
ეროვნული ცენტრის დირექტორის  
ბრძანება № 303

23 04 2019 წ.

ქ. თბილისი

სსიპ - განათლების ხარისხის განვითარების ეროვნული ცენტრის იურიდიული  
სამსახურის უფროსის ვაკანტური თანამდებობის დასაკავებლად კონკურსის გამოცხადების  
შესახებ

„საჯარო სამსახურის შესახებ“ საქართველოს კანონის 34-ე მუხლის მე-6 პუნქტის, 35-ე მუხლის, 39-ე მუხლის, 41-ე მუხლის მე-3 პუნქტის, 126<sup>1</sup> მუხლის პირველი, მე-2 და მე-4 პუნქტების, საქართველოს მთავრობის 2017 წლის 21 აპრილის №204 დადგენილებით დამტკიცებული „საჯარო სამსახურში კონკურსის ჩატარების წესის“ მე-5 მუხლის პირველი პუნქტის, მე-6 მუხლის პირველი პუნქტის, მე-7 მუხლის პირველი პუნქტისა და საქართველოს განათლებისა და მეცნიერების მინისტრის 2010 წლის 14 სექტემბრის №89/ნ ბრძანებით დამტკიცებული „საჯარო სამართლის იურიდიული პირის - განათლების ხარისხის განვითარების ეროვნული ცენტრის დებულების“ მე-5 მუხლის პირველი პუნქტის „კ“ და „ნ“ ქვეპუნქტების საფუძველზე,

ვ ბ რ ძ ა ნ ე ბ :

1. გამოცხადდეს კონკურსი ცენტრის იურიდიული სამსახურის უფროსის ვაკანტური თანამდებობის დასაკავებლად.
2. კონკურსში მონაწილეობისათვის განაცხადის წარდგენის ვადა განისაზღვრება საჯარო სამსახურის ბიუროს მიერ ადმინისტრირებულ ვებგვერდზე ([www.hr.gov.ge](http://www.hr.gov.ge)) კონკურსის გამოცხადებიდან 10 კალენდარული დღის ოდენობით.
3. ამ ბრძანების პირველი პუნქტით გათვალისწინებულ ვაკანტურ თანამდებობაზე თანამდებობრივი სარგო განისაზღვრება 2800 (ორი ათას რვაასი) ლარის ოდენობით.
4. იურიდიული სამსახურის უფროსის თანამდებობაზე კონკურსი გამოცხადდეს 1 (ერთი) ადგილზე.
5. სამუშაოს ტიპი - სრული განაკვეთი.

6. გამოსაცდელი ვადა - 3 თვე.
7. იურიდიული სამსახურის უფროსის მიმართ დადგინდეს შემდეგი საკვალიფიკაციო მოთხოვნები:
- ა) მინიმალური განათლება - სამართლის მაგისტრი ან მასთან გათანაბრებული აკადემიური ხარისხი;
- ბ) სამუშაო გამოცდილება - იურიდიული მიმართულებით მუშაობის არანაკლებ 3 წლიანი გამოცდილება, მათ შორის, საჯარო სექტორში მუშაობის არანაკლებ 2 წლიანი გამოცდილება, ასევე, მენეჯერულ პოზიციაზე მუშაობის არანაკლებ 2 წლიანი გამოცდილება;
- გ) სასურველია კანდიდატს ჰქონდეს განათლების სფეროში მუშაობის გამოცდილება;
- დ) კომპიუტერული პროგრამების (Ms. Word, Ms. Excel, Ms. Power Point, Outlook) კარგად ცოდნა;
- ე) ინგლისური ენის ცოდნა B2 დონეზე.
8. იურიდიული სამსახურის უფროსის თანამდებობაზე კონკურსში მონაწილე კანდიდატს მოეთხოვება შემდეგი სამართლებრივი აქტების ცოდნა:
- 8.1. საქართველოს კონსტიტუცია;
- 8.2. საქართველოს ორგანული კანონი „საერთო სასამართლოების შესახებ“;
- 8.3. საქართველოს ორგანული კანონი „საქართველოს შრომის კოდექსი“;
- 8.4. საქართველოს ზოგადი ადმინისტრაციული კოდექსი;
- 8.5. საქართველოს სამოქალაქო კოდექსი;
- 8.6. საქართველოს სამოქალაქო საპროცესო კოდექსი;
- 8.7. საქართველოს ადმინისტრაციული საპროცესო კოდექსი;
- 8.8. საქართველოს კანონი „ნორმატიული აქტების შესახებ“;
- 8.9. საქართველოს კანონი „საჯარო სამსახურის შესახებ“;
- 8.10. საქართველოს კანონი „საჯარო სამართლის იურიდიული პირის შესახებ“;
- 8.11. საქართველოს კანონი „ზოგადი განათლების შესახებ“;
- 8.12. საქართველოს კანონი „პროფესიული განათლების შესახებ“;
- 8.13. საქართველოს კანონი „უმაღლესი განათლების შესახებ“;
- 8.14. საქართველოს კანონი „განათლების ხარისხის განვითარების შესახებ“;
- 8.15. საქართველოს კანონი „პერსონალურ მონაცემთა დაცვის შესახებ“;
- 8.16. საქართველოს კანონი „საჯარო ინფორმაციის ასლის გადაღების მოსაკრებლის შესახებ“;
- 8.17. „საგანმანათლებლო დაწესებულებების ავტორიზაციის დებულებისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ ბრძანება;
- 8.18. „საგანმანათლებლო დაწესებულებების საგანმანათლებლო პროგრამების აკრედიტაციის დებულებისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანება;
- 8.19. „საჯარო სამართლის იურიდიული პირის – განათლების აკრედიტაციის ეროვნული ცენტრის რეორგანიზაციის გზით საჯარო სამართლის იურიდიული პირის – განათლების ხარისხის განვითარების ეროვნული ცენტრის შექმნისა და მისი დებულების დამტკიცების შესახებ“ საქართველოს განათლებისა და მეცნიერების მინისტრის 2010 წლის 14 სექტემბერის N 89/ნ ბრძანება;
- 8.20. „უმაღლესი საგანმანათლებლო პროგრამების კრედიტებით გაანგარიშების წესის დამტკიცების შესახებ“ საქართველოს განათლებისა და მეცნიერების მინისტრის 2007 წლის 5 იანვრის N 3/ნ ბრძანება;
- 8.21. „ეროვნული საკვალიფიკაციო ჩარჩოს დამტკიცების შესახებ“ საქართველოს განათლებისა და მეცნიერების მინისტრის 2010 წლის 10 დეკემბრის N 120/ნ ბრძანება;

- 8.22. „უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესის დამტკიცების შესახებ“ საქართველოს განათლებისა და მეცნიერების მინისტრის 2010 წლის 4 თებერვლის №10/ნ ბრძანება;
- 8.23. „საქართველოში გაცემული საგანმანათლებლო დოკუმენტების ნამდვილობის დადასტურებისა და უცხოეთში მიღებული განათლების აღიარების წესისა და საფასურების დამტკიცების შესახებ“ საქართველოს განათლებისა და მეცნიერების მინისტრის 2010 წლის 1 ოქტომბრის №98/ნ ბრძანება.
9. იურიდიული სამსახურის უფროსის მიერ შესასრულებელი სამუშაოს აღწერა:
- 9.1. ცენტრის დებულებით იურიდიული სამსახურის ფუნქციას მიკუთვნებული საქმიანობის ხელმძღვანელობა - დაგეგმვა, კოორდინაცია, თანამშრომელთა მიერ სამუშაოების შესრულების ხარისხისა და დროულობის კონტროლი;
- 9.2. კომპეტენციის ფარგლებში, ხელშეკრულებებისა და დირექტორის ბრძანებების ვიზირების უზრუნველყოფა;
- 9.3. კომპეტენციის ფარგლებში, კომუნიკაციის უზრუნველყოფა როგორც საქართველოს განათლების, მეცნიერების, კულტურისა და სპორტის სამინისტროსთან, ასევე სხვა უწყებებთან;
- 9.4. პრობლემური ან/და მნიშვნელოვანი ან/და არასტანდარტული საკითხების განხილვასთან დაუკშირებით ორგანიზებულ შეხვედრებში მონაწილეობა ან/და ხელმძღვანელობისთვის პრობლემის გადაჭრის სამართლებრივი გზების შეთავაზება;
- 9.5. მომზადებული კანონპროექტებისა და კანონქვემდებარე აქტების პროექტების საბოლოო სამართლებრივი ექსპერტიზის უზრუნველყოფა და ცენტრის დირექტორისათვის წარდგენა;
- 9.6. საჭიროების შემთხვევაში, სამართლებრივი კონსულტაციის გაწევა ცენტრის თანამშრომლებისა და სხვადასხვა დაწესებულების წარმომადგენლებისათვის;
- 9.7. ცენტრის ბიუჯეტის შედგენის პროცესში მონაწილეობა;
- 9.8. საკანონმდებლო ცვლილებების ან/და სხვა სამართლებრივი საკითხების ირგვლივ ცენტრის ხელმძღვანელობისათვის წინადადებების შემუშავება და წარდგენა;
- 9.9. საკუთარი კომპეტენციის ფარგლებში დამუშავებული/წარმოებული ინფორმაციის მიწოდების უზრუნველყოფა საჯარო ინფორმაციის გაცემაზე პასუხისმგებელი პირისათვის;
- 9.10. იურიდიული სამსახურის შიდა დებულებით (ასეთის არსებობის შემთხვევაში) გათვალისწინებული მოვალეობების შესრულება;
- 9.11. ცენტრის დირექტორის სხვა დავალებების შესრულება, რომელიც არ ეწინააღმდეგება საქართველოს მოქმედ კანონმდებლობას.
10. კონკურსში მონაწილე კანდიდატს უნდა გააჩნდეს შემდეგი უნარები:
- ა) პროექტების შესრულებისა და ხელმძღვანელობის უნარი;
- ბ) სწრაფი რეაგირების და გადაწყვეტილების მიღების უნარი;
- გ) ანალიტიკური და სისტემური აზროვნების უნარი;
- დ) ზეპირი და წერილობითი საქმიანი კომუნიკაციის წარმოების უნარი;
- ე) მაღალი პასუხისმგებლობის გრძნობა;
- ვ) გუნდური მუშაობის, გუნდის შექმნის უნარი.
11. საკონკურსო კომისიის მისამართი და საკონტაქტო ინფორმაცია:
- სსიპ - განათლების ხარისხის განვითარების ეროვნულ ცენტრი, საქართველო, თბილისი 0193, გ. ალექსიძის ქ. №1,
- საკონტაქტო ტელეფონი - (+995 32) 2 200 220.
12. კონკურსში მონაწილე პირმა, ამ ბრძანების მე-2 პუნქტით დადგენილ ვადაში, კონკურსში მონაწილეობისათვის განაცხადი და სავალდებულო დოკუმენტაცია უნდა წარადგინოს მხოლოდ ელექტრონული ფორმით, საჯარო სამსახურის ბიუროს მიერ ადმინისტრირებული ვებგვერდის მეშვეობით ([www.hr.gov.ge](http://www.hr.gov.ge));

13. კონკურსში მონაწილეობისთვის კანდიდატმა განაცხადს უნდა დაურთოს განათლების დამადასტურებელი დოკუმენტის ასლი. აუცილებელია კანდიდატმა მიუთითოს 2 რეკომენდატორის ვინაობა საკონტაქტო ინფორმაციის მითითებით.
14. კონკურსი ჩატარდეს 3 (სამი) ეტაპად:
- ა) კანდიდატების მიერ წარდგენილი განაცხადების გადარჩევა;
  - ბ) ზეპირი დავალება;
  - გ) გასაუბრება.
15. კანდიდატთა შეფასება განხორციელდეს ზეპირი დავალებისა და გასაუბრების საფუძველზე.
16. საკონკურსო კომისია საბოლოო გადაწყვეტილებას მიიღებს ხმათა უმრავლესობით, კანონმდებლობით დადგენილი წესის შესაბამისად, განცხადების წარდგენის ვადის დასრულებიდან არაუგვიანეს 3 თვესა.
17. დაევალოს ცენტრის ადამიანური რესურსების სამმართველოს ვებგვერდის - [www.hr.gov.ge](http://www.hr.gov.ge) - მეშვეობით კონკურსის გამოცხადების უზრუნველყოფა.
18. დაევალოს ცენტრის საქმისწარმოების სამმართველოს ამ ბრძანების დაინტერესებული პირებისათვის კანონმდებლობით დადგენილი წესით გაცნობის უზრუნველყოფა.
19. ბრძანება შეიძლება გასაჩივრდეს ქ. თბილისის საქალაქო სასამართლოს ადმინისტრაციულ საქმეთა კოლეგიაში (მის.: ქ. თბილისი, დავით აღმაშენებლის ხეივანი, მე-12 კმ., №6) კანონმდებლობით დადგენილ ვადაში და წესით.

დირექტორი

გიორგი ვაშაკიძე